

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 2368 del 02/08/2022**

**Traduzione in ladino**

## **Strèda per jir a pe e co la roda de Moena, aproà l projet esecutif e metù fora la garejèda de apalt**

**Strèda per jir a pe e co la roda de Moena: l é stat aproà l projet esecutif e l é stat metù fora la garejèda de apalt che la cognessa vegnir serèda su dant che sie fora l meis de aost co la prejentazion de la perferides.**

**L projet, metù ju dal enj. Sergio Deromedis del Ofize Infrastrutures Strèdes per jir a pe e co la roda de la Provinzia co la colaborazion del geom. Francesco Weber, l perveit de fèr n percors nef che à na sia strèda, rresservèda deldut a la mobilità lijiera e che colea l paisc de Moena co la strèda per jir a pe e co la roda che l é enschin a la zona sportiva, per na suma en dut de apalt de € 1.145.260,27.**

Ma no sarà demò n percors rresservà a la rodes, l é pervedù apontin de passèr via l ruf con chela de smendrèr la ertes e enjgnèr, tras na curta galaria, longia 21 metres, n sbociament per la Veisc che tel cajo de èga autes la podessa blochèr l strentoi che l é sot l veie pont “Pont de Mur” che l é te la man mingol più n ju del zenter de paisc. Con chest percors vegnarà miorà ence l percors da d’invern per la Marcialonga, per chela che no ge volarà più endrezèr strutures provisories ma se podarà se emprevaler del percors enjgnà per jir a pe e co la roda. Co na soula opera se vel arjonjer cater obietives: endrezèr na strèda che la dae l met ai sacotenc ghes de Fiem e Fascia de passèr fora l paisc de Moena a na vida più segura che chela de anchecondi; coleèr la pèrt sud de Moena con chela nord; slarièr la sezion idraulica da vejìn al “Pont de Mur” tel cajo de èga auta; miorèr l endrez del percors da d’invern per la Marcialonga.

Chesta opera la miorarà la rei de la strèdes per jir a pe e co la roda de la Provinzia de Trent che anchecondi la tol ite 12 percorsc per presciapèch 450 kilometres e che del 2021 l à contà 2.500.000 passajes, con n smaorament del 13% respet al 2020. L é stat calculà che del 2021 l é stat fat 52.000.000 kilometres co la roda e a pe su la rei di percorsc aposta che l é tel Trentin, col comportèr n sparagn de 3.700.000 litres de carburant e 8.500.000 kg de CO2 e n sparagn economich de più che 40 milions de euro sui auti. Vegn calculà ence presciapèch 100 milions de euro al an de gra al turism de chi che va co la roda.

**Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

(cdt)